

- SENAT -

Broj: 01-12-1/24

Sarajevo, 03. 07. 2024. godine

Z A P I S N I K
SA 4. IZBORNE SJEDNICE SENATA
UNIVERZITETA U SARAJEVU
ODRŽANE 03. 07. 2024. GODINE

Prisutni/e članovi/ice Senata: prof. dr. Rifat Škrijelj, rektor, prof. dr. Tarik Zaimović ¹, prof. dr. Dženana Husremović, prof. dr. Dušanka Bošković, prof. dr. Tamara Karča Beljak, prof. dr. Enita Nakaš, prof. dr. Mirza Dautbašić, prorektori/ice i Hamdo Solo, MA, student-prorektor, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Meliha Bašić, prof. dr. Jasmin Velagić, prof. dr. Mustafa Hasani, prof. dr. Jasmin Ahić, prof. dr. Sead Turčalo, prof. dr. Ifet Mahmutović, prof. dr. Amel Kosovac, prof. dr. Arzija Pašalić, prof. dr. Fahir Bečić, prof. dr. Kenan Šljivo, prof. dr. Samir Dolarević, prof. dr. Mario Bernadić, prof. dr. Haris Lulić, prof. dr. Amina Valjevac, prof. mr. Dragan Opančić (po ovlaštenju), prof. dr. Daniel Maleč prof. dr. Muhamed Brka, prof. dr. Zinka Grbo, prof. dr. Nusret Drešković, prof. dr. Muhamed Ajanović, prof. dr. Ahmet Lojo, prof. dr. Jasmin Omeragić (po ovlaštenju), prof. dr. Adaleta Durmić-Pašić, dr. sc. Rasim Muratović, dr. sc. Aladin Husić, dr. sc. Jasmin Hodžić, dr. sc. Sedad Bešlija, prof. dr. Emir Tahirović, te predstavnici/e Udruženja Studentski parlament Univerziteta u Sarajevu: Imran Pašalić, predsjednik, Rijad Crvenjak, Ali Jusović, Almedin Sinanović, Ahmed Parić, Josipa Bošnjak i Erdal Brutus (po ovlaštenju), članovi/ica.

Sjednici prisustvuju: prof. dr. Almira Hadžović Džuvo, kandidatkinja za izbor rektora za mandatni period 2024-2028. godina, Kenan Filipović, dipl.iur., generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove Univerziteta u Sarajevu, Semir Đulić, viši stručni saradnik u Službi za pravne poslove Univerziteta u Sarajevu, Ilhana Lekić, stručna saradnica u Službi za pravne poslove u Univerziteta u Sarajevu i Alma Voloder-Madacki, viša stručna saradnica u Službi za pravne poslove u Univerziteta u Sarajevu u svojstvu zapisničarke.

Sjednica je počela u 10:00 sati.

Utvrđeno je da od ukupno 46 članova/ica Senata, sjednici prisustvuje 46 članova/ica Senata sa pravom glasa, od toga 3 (tri) člana/ice sa ovlaštenjem koje se nalazi u dokumentaciji Senata.

¹ Kandidat za izbor rektora Univerziteta u Sarajevu za mandatni period 2024-2028. godina

Sjednicu je otvorio prof. dr. Rifat Škrijelj koji je predložio da prije početka radnog dijela sjednice, a zbog velikog interesa medija za održavanje ove sjednice, predstavnici medija naprave kratke snimke u Svečanoj sali.

Nakon što su predstavnici medija napravili kratke snimke, prof. dr. Rifat Škrijelj je prije usvajanja dnevnog reda dao riječ generalnom sekretaru gosp. Kenanu Filipoviću koji je istakao da su ispunjeni zakonski, statutarni i poslovnički uslovi i da se može pristupi razmatranju predloženog Dnevnog reda.

Zatim su članovi i članice Senata jednoglasno usvojili sljedeći

D N E V N I R E D:

1. Davanje ovlaštenja članu Senata za predsjedavanje Izbornom sjednicom Senata Univerziteta u Sarajevu
2. Usvajanje Izvještaja Komisije za provođenje procedure izbora rektora Univerziteta u Sarajevu za mandatni period 2024-2028. godine, broj: 0101-6651-1/24 od 24. 06. 2024. godine
3. Imenovanje Komisije za provođenje procedure glasanja za izbor rektora Univerziteta u Sarajevu za mandatni period 2024-2028. godine
4. Usvajanje procedure provođenja glasanja za izbor rektora Univerziteta u Sarajevu za mandatni period 2024-2028. godine
5. Usmena prezentacija programa rada kandidata/kinje za izbor rektora Univerziteta u Sarajevu za mandatni period 2024-2028. godine
6. Glasanje za izbor rektora Univerziteta u Sarajevu za mandatni period 2024-2028. godine
7. Izvještaj Komisije za provođenje procedure glasanja za izbor rektora Univerziteta u Sarajevu za mandatni period 2024-2028. godine, objavljivanje rezultata glasanja i izbor rektora Univerziteta u Sarajevu za mandatni period 2024-2028. godine

T O K S J E D N I C E

Ad-1.

Davanje ovlaštenja članu Senata za predsjedavanje izbornom sjednicom Senata Univerziteta u Sarajevu:

Uz 1 (jedan) „Suzdržan“ glas², dato je sljedeće

O V L A Š T E N J E

Ovlašćuje se prof. dr. Rifat Škrijelj, rektor Univerziteta u Sarajevu, član Senata Univerziteta u Sarajevu da predsjedava 4. izbornom sjednicom Senata koja je održana 03. 07. 2024. godine.

Ad-2.

Usvajanje Izvještaja Komisije za provođenje procedure izbora rektora Univerziteta u Sarajevu za mandatni period 2024-2028. godine, broj: 0101-6651-1/24 od 24. 06. 2024. godine:

Jednoglasno je donesena sljedeća

O D L U K A

Usvaja se Izvještaj Komisije za provođenje procedure izbora rektora Univerziteta u Sarajevu za mandatni period 2024-2028. godine, broj: 0101-6651-1/24 od 24. 06. 2024. godine.

Ad-3.

Imenovanje Komisije za provođenje procedure glasanja za izbor rektora Univerziteta u Sarajevu za mandatni period 2024-2028. godine:

Na prijedlog prof. dr. Rifata Škrijelja, jednoglasno je donesena sljedeća

O D L U K A

Imenuje se Komisija za provođenje procedure glasanja za izbor rektora Univerziteta u Sarajevu za mandatni period 2024-2028. godine, u sljedećem sastavu:

1. Dr. sc. Rasim Muratović, predsjednik Vijeća Grupacije društvenih nauka, predsjednik Komisije

² Prof. dr. Rifat Škrijelj, rektor Univerziteta u Sarajevu bio je „suzdržan“ budući da se radi o ovlaštenju koje se odnosi na njega lično.

2. Dr. sc. Sedad Bešlija, predsjednik Vijeća Grupacije humanističkih nauka, član
3. Prof. dr. Muhamed Ajanović, predsjednik Vijeća Grupacije medicinskih nauka, član
4. Prof. dr. Ahmet Lojo, predsjednik Vijeća Grupacije prirodno-matematičkih i biotehničkih nauka, član
5. Prof. dr. Jasmin Velagić, predsjednik Vijeća Grupacije tehničkih nauka, član
6. Prof. dr. Dubravka Pozderac-Lejlić, predsjednica Vijeća Grupacije umjetnosti, članica i
7. Imran Pašalić, predsjednik Udruženja Studentski parlament Univerziteta u Sarajevu, član.

Zadatak Komisije je da provede i nadgleda cjelokupnu proceduru glasanja, a posebno provjeri da je glasački materijal ispravan (birački spisak, glasačka kutija i glasački listići) i o tome, po okončanju postupka, izvijesti Senat i objavi rezultate glasanja.

Ad-4.

Usvajanje procedure provođenja glasanja za izbor rektora Univerziteta u Sarajevu za mandatni period 2024-2028. godine:

Jednoglasno je usvojena

PROCEDURA PROVOĐENJA GLASANJA

za izbor rektora Univerziteta u Sarajevu
za mandatni period 2024-2028. godine

1. Zapisnički se utvrđuje broj prisutnih članova/ica Senata Univerziteta u Sarajevu.
2. Dozvoljeno vrijeme za prezentaciju programa rada ne može biti duže od 15 minuta (po kandidatu/kinji).
3. Po okončanju prezentacija kandidata/kinje za rektora, a u vezi sa izloženim programima rada, članovi/ice Senata mogu da postavljaju pitanja (do 5 minuta po kandidatu/kinji).
4. Komisija za provođenje procedure glasanja za izbor rektora Univerziteta u Sarajevu obavezna je obezbijediti sve potrebne uvjete za neposredno tajno glasanje.
5. Neposredno tajno glasanje se provodi putem ovjerenih glasačkih listića, odštampanih u istom broju za svaki krug glasanja, a koji predstavlja ukupan broj članova/ica Senata Univerziteta u Sarajevu.
6. Za provođenje procedure tajnog glasanja obezbijedena je glasačka kutija i tri hemijske olovke u istoj boji, koje će biti postavljene u prostoru odvojenom za tajno glasanje.
7. Važećim listićem smatrat će se samo onaj listić na kojem je zaokružen redni broj ispred imena samo jednog kandidata/kinje za kojeg se glasa.

8. Nakon izvršenog glasanja, glasački listić se ubacuje u glasačku kutiju.
9. Nakon završene procedure glasanja, Komisija za provođenje procedure glasanja odmah pred članovima/icama Senata vrši otvaranje glasačke kutije i prebrojava glasačke listiće i utvrđuje rezultate glasanja.
10. Za rektora je izabran onaj kandidat/kinja koji/a u proceduri glasanja (prvi krug) dobije većinu glasova od ukupnog broja članova Senata (u daljem tekstu: potrebna većina).
11. Ukoliko niti jedan kandidat/kinja ne dobije potrebnu većinu, glasanje se ponavlja (drugi krug) na isti način i pod istim uvjetima kao i prvo glasanje.
12. U ponovljenom glasanju (drugom krugu) izabran je onaj kandidat/kinja koji dobije potrebnu većinu glasova.
13. Ukoliko u ponovljenom glasanju dva kandidata dobiju podjednak broj glasova, glasanje se ponavlja još jednom (treći krug).
14. Ukoliko ni u ponovljenom glasanju (trećem krugu) nijedan kandidat/kinja ne dobije potrebnu većinu, cjelokupni izborni postupak se ponavlja.
15. Nakon izbora rektora, Senat Univerziteta u Sarajevu ovlašćuje člana Senata koji će potpisati rješenje o izboru rektora.
16. Ovlašteni član Senata je obavezan najkasnije sedam (7) dana od datuma donošenja odluke o izboru rektora potpisati rješenje o imenovanju rektora, proslijediti ga Službi za pravne poslove Univerziteta koja će obavijest/informaciju o izboru i prijavljenim kandidatima na javni konkurs dostaviti i resornom Ministarstvu.

Ad-5.

Usmena prezentacija programa rada kandidata/kinje za izbor rektora Univerziteta u Sarajevu za mandatni period 2024-2028. godine:

Kandidat/kinja za izbor rektora Univerziteta u Sarajevu za mandatni period 2024-2028. godine, prezentirali su svoj program rada prema redoslijedu dostavljanja prijave na Javni konkurs i to prof. dr. Almira Hadžović-Džuvo i prof. dr. Tarik Zaimović.

Po okončanju prezentacija programa rada kandidata/kinje za rektora Univerziteta u Sarajevu za mandatni period 2024–2028. godine, a u vezi sa prezentiranim programima rada, data je mogućnost članovima i članicama Senata da postave pitanja kandidatu/kinji.

➤ Pitanja prof. dr. Arzije Pašalić za oba kandidata:

- a. Na koji način će se vršiti promocija Univerziteta u Sarajevu sa aspekta upisne politike?
- b. Na koji način će se studenti na Univerzitetu u Sarajevu stavljati u fokus (sa osvrtom i na mentalno zdravlje, poteškoće u razvoju i teške bolesti studenata)?
- c. Da li će kandidat/kinja poštovati zakonsku odredbu u vezi utvrđivanja kriterija za dodjelu sredstava iz budžeta Kantona Sarajevo?
- d. Da li će kandidat/kinja poštovati zaključke Upravnog odbora Univerziteta u Sarajevu?

Prof. dr. Arzija Pašalić je zatražila da se na pitanja pod tačkom c. i d. odgovori sa da ili ne.

Odgovori prof. dr. Almire Hadžović-Džuvo:

Istakla je da imajući u vidu izloženi Program rada, studenti/ice Univerziteta u Sarajevu su u središtu obrazovnog procesa i sve akademske i administrativne radnje i postupanja bi bili usmjereni prema studentima/icima. Upisana politika je jedan od neznčajnih strateških segmenata Univerziteta u cjelini. Prioritet rada će biti stvaranje stimulativnog i pozitivnog okruženja za studiranje. Univerzitet u Sarajevu mora biti mjesto gdje svaki student/ica, neovisno o porijeklu, socioekonomskom statusu ili bilo kojoj drugoj ličnoj karakteristik, osjećaju da su cijenjeni i podržani. Kao primjer inkluzivnosti, naš Univerzitet treba jačati postojeće strukture poput Ureda za podršku studentima, osiguravajući da su resursi i usluge dostupni i prilagođeni svim studentima/icama na svim fakultetima/akademijama.

Cijeneći zahtjev prof. dr. Arzije Pašalić na direktna pitanja pod tačkom c. i d. uslijedio je potvrđan odgovor sa „da i da“.

Odgovori prof. dr. Tarika Zaimovića:

Istakao je da razvijanje asocijacija studenata na fakultetima/akademijama Univerziteta u Sarajevu i funkcije studenta prodekana imaju ključnu ulogu u organizaciji modernog univerziteta, kreirajući okvir za studente da se aktivno uključe u univerzitetski život, doprinesu donošenju odluka i zastupaju interese studentske populacije. Ovdje je svakako bitno naglasiti ulogu studenata u procesima unapređenja kvaliteta obrazovanje kroz kreiranje institucionalnih mehanizama za uspješnosti provedbe studijskih programa, organizaciju tematskih akademskih radionica i seminara, kao i podrški studentima u procesu studiranja sa osvrtom i na mentalno zdravlje, poteškoće u razvoju i teške bolesti studenata. S tim u vezi, istakao je da će se upisna politika u daljem razvoju Univerziteta u Sarajevu ogledati kroz unapređenje i razvoj novih fleksibilnih studijskih programa, poticanje interdisciplinarnog pristupa, izvođenje studijskih programa na engleskom jeziku, kao i razvoj međunarodne saradnje na području nastave.

Cijeneći zahtjev prof. dr. Arzije Pašalić na direktna pitanja pod tačkom c. i d. uslijedio je potvrđan odgovor sa „da i da“, sa dodatnim objašnjenjem da je Univerzitet u Sarajevu, zbog svog složenog sistema i unutrašnje organizacije, jedini budžetski korisnik kojem je omogućeno da krajem godine u okviru odobrenog budžeta vrši preraspodjele.

➤ Pitanja prof. dr. Muhameda Ajanovića za oba kandidata:

- a. Na koji način i odakle biste obezbjedili dodatna sredstva za finansiranje rada studenata, kao i neplanirane, odnosno iznenadne troškove na članici Univerziteta u Sarajevu u slučaju nastanka određene materijalne štete?
- b. Da li će se na Univerzitetu u Sarajevu provesti eksterna revizija o provjeri dosadašnjeg poslovanja?

Odgovori prof. dr. Almir Hadžović-Džuvo:

Istakla je da postojeće mogućnosti dodjele dodatnih sredstva za Univerzitet u Sarajevu putem različitih domaćih i međunarodnih fondova nisu dovoljno iskorištene, te da je osiguranje sredstava kroz usmjerene donacije, koje trebaju biti transparentne i etične još jedan od načina na koji bi se obezbjedila dodatna sredstava. Nadalje, razvijanje Centra za istraživanje i razvoj Univerziteta predstavlja polaznu osnovu u daljem radu Univerziteta, kroz jačanje kapaciteta Centra u pogledu angažiranja stručnog osoblja, a u cilju izrade projektnih aplikacija i ostvarivanja većeg broja projekata koji će se finansirati iz EU fondova. Također, istakla je da je neophodno u ove procese uključiti i Osnivača i osigurati da se Kampus Univerziteta proglasi od posebnog opšteg i javnog interesa za Kanton Sarajevo.

Mogućnost rada studenta treba jačati kroz saradnju sa studentskim servisom i osigurati mogućnosti finansiranja rada studenata iz vlastitih prihoda Univerziteta u Sarajevu.

U pogledu provođenja eksterne revizije i provjeri dosadašnjeg poslovanja istakla je da je Univerzitet u Sarajevu prema Zakonu obavezan da vrši eksternu reviziju, a da će se revizija poslovanja Rektorata Univerziteta provesti u okviru primopredaje dužnosti rektora Univerziteta u Sarajevu.

Odgovori prof. dr. Tarika Zaimovića:

Istakao je da je Univerzitet u Sarajevu u prethodnom periodu usvojio tri opća akata kojim se reguliraju pitanja sticanja, raspodjele vlastitih prihoda, kapitalnih ulaganja, kao i pitanja sufinansiranja rada Studentskog parlamenta. Jedan od načina finansiranja rada studenata jeste uključivanje u projektne aktivnosti, poput aktivnosti u međunarodnom projektu *EUPeace*. S druge strane, imajući u vidu složenu infrastrukturu Univerziteta u Sarajevu u cjelini, odnosno imovinu sa kojom raspolaže Univerzitet u Sarajevu, neophodno je u postupku budžetskih konsultacija sa Vladom Kantona Sarajevo osigurati dodatna sredstva. Također je istakao da se Univerzitet u Sarajevu finansira iz različitih izvora, pri tome se osvrnuvši na broj aktivnih projekata koje realizira Univerzitet i njegove članice, te da u narednom periodu treba nastaviti sa razvojem u pogledu novih projektnih aplikacija i dodjele međunarodnih projekta.

U pogledu provođenja eksterne revizije i provjeri dosadašnjeg poslovanja istakao je da članice Univerziteta u Sarajevu, kao budžetski korisnici Kantona Sarajevu, u skladu sa zakonom i planom rada Ured za reviziju institucija u FBiH, svake godine podliježu reviziji, odnosno predmetom su revizije svake godine.

Ad-6.

Glasanje za izbor rektora Univerziteta u Sarajevu za mandatni period 2024-2028. godine:

U skladu sa usvojenom Procedurom provođenja glasanja za izbor rektora Univerziteta u Sarajevu za mandatni period 2024-2028. godine, Komisija za provođenje procedure glasanja za izbor rektora Univerziteta u Sarajevu za mandatni period 2024–2028. godine je utvrdila da je glasački materijal ispravan (birački spisak, glasačka kutija i glasački listići). Konstatirano je da je u birački spisak upisano 46 birača i da ima ukupno 46 glasačkih listića, te da su ispunjeni uvjeti da članovi i članice Senata pristupe glasanju za izbor rektora Univerziteta u Sarajevu za mandatni period 2024–2028. godine.

Nakon provedenog prvog kruga glasanja Komisija za provođenje procedure glasanja za izbor rektora Univerziteta u Sarajevu za mandatni period 2024–2028. godine je pred prisutnim članovima i članicama Senata pristupila prebrojavanju glasova.

Nakon što su prebrojani svi glasovi, prof dr. Rasim Muratović, predsjednik Komisije je konstatirao da su od ukupno prebrojanih 46 listića, važeća 42 listića, a nevažeća 4 listića i da su rezultati glasanja sljedeći:

- Prof. dr. Almira Hadžović-Džuvo, redovna profesorica Univerziteta u Sarajevu - Medicinskog fakulteta - 19 glasova
- Prof. dr. Tarik Zaimović, redovni profesor Univerziteta u Sarajevu – Ekonomskog fakulteta - 23 glasa.

Nakon što su utvrđeni rezultati glasanja, konstatirano je da nijedan kandidat za rektora Univerziteta u Sarajevu za mandatni period 2024-2028. godina nije dobio natpolovičnu većinu glasova, te da će se glasanje ponoviti u drugom krugu na isti način i pod istim uvjetima kao i prvi krug glasanja.

Nakon provedenog drugog kruga glasanja Komisija za provođenje procedure glasanja za izbor rektora Univerziteta u Sarajevu za mandatni period 2024–2028. godine je pred prisutnim članovima i članicama Senata pristupila prebrojavanju glasova.

Nakon što su prebrojani svi glasovi, prof dr. Rasim Muratović, predsjednik Komisije je konstatirao da su od ukupno prebrojanih 46 listića, važećih 45 listića, a nevažeći 1 listić i da su rezultati glasanja sljedeći:

- Prof. dr. Almira Hadžović-Džuvo, redovna profesorica Univerziteta u Sarajevu - Medicinskog fakulteta - 21 glas

- Prof. dr. Tarik Zaimović, redovni profesor Univerziteta u Sarajevu – Ekonomskog fakulteta - 24 glasa.

Nakon što su utvrđeni rezultati glasanja, Komisije je konstatovala da je kandidat za rektora Univerziteta u Sarajevu za mandatni period 2024-2028. godina prof. dr. Tarik Zaimović, redovni profesor Univerziteta u Sarajevu – Ekonomskog fakulteta sa 24 glasa dobio natpolovičnu većinu glasova, te da je za rektora Univerziteta u Sarajevu za mandatni period 2024-2028. godina, izabran prof. dr. Tarik Zaimović, redovni profesor Univerziteta u Sarajevu – Ekonomskog fakulteta.

Ad-7.

Izvještaj Komisije za provođenje procedure glasanja za izbor rektora Univerziteta u Sarajevu za mandatni period 2024-2028. godine, objavljivanje rezultata glasanja i izbor rektora Univerziteta u Sarajevu za mandatni period 2024-2028. godine:

Shodno prethodnoj tački Dnevnog reda, jednoglasno je donesena sljedeća

O D L U K A

Usvajaju se izvještaji Komisije za provođenje procedure glasanja za izbor rektora Univerziteta u Sarajevu za mandatni period 2024–2028. godine, kako slijedi:

- Izvještaj sa prvog kruga glasanja, broj: 01-11-7/24 od 03. 07. 2024. godine i
- Izvještaj sa drugog kruga glasanja, broj: 01-11-8/24 od 03. 07. 2024. godine.

U skladu sa svim naprijed navedenim, jednoglasno je donesena

O D L U K A

O IZBORU REKTORA UNIVERZITETA U SARAJEVU ZA MANDATNI PERIOD 2024-2028. GODINE

I

Dr. Tarik Zaimović, redovni profesor Univerziteta u Sarajevu – Ekonomskog fakulteta, bira se za rektora Univerziteta u Sarajevu za mandatni period 2024-2028. godine.

II

Mandatni period rektora prof. dr. Tarika Zaimovića počinje teći od 01. 10. 2024. godine.

III

Zadužuje se Služba za pravne poslove Univerziteta da, u roku od 7 (sedam) dana od dana održavanja Izborne sjednice Senata, dostavi ovlaštenom članu Senata Univerziteta u Sarajevu Rješenje o imenovanju rektora Univerziteta u Sarajevu na potpis.

IV

Ova odluka stupa na snagu danom donošenja.

Obrazloženje

U skladu procedurom propisanom odredbama Zakona o visokom obrazovanju („*Službene novine Kantona Sarajevo*“ broj: 36/22) i Statuta Univerziteta u Sarajevu, a na osnovu Javnog konkursa za izbor rektora Univerziteta u Sarajevu za mandatni period 2024-2028. godina, koji je objavljen u dnevnom listu „Oslobođenje“ i „Dnevni avaz“, i na internet stranici Univerziteta u Sarajevu dana 05. 06. 2024. godine, a shodno Izvještaju Komisije za provođenje procedure izbora rektora Univerziteta u Sarajevu za mandatni period 2024-2028. godina, broj: 0101-6651-1/24 od 24. 06. 2024. godine, na Izornoj sjednici Senata Univerziteta u Sarajevu održanoj 03. 07. 2024. godine, provedena je procedura glasanja za izbor rektora Univerziteta u Sarajevu za mandatni period 2024-2028. godina.

Oslonom na utvrđenu proceduru, konstatovano je da je od ukupno 46 članova Senata upisanih u birački spisak svih 46 pristupilo tajnom glasanju.

Nakon provedenog prvog kruga glasanja u kome je prof. dr. Almira Hadžović-Džuvo osvojila 19 glasova, a prof. dr. Tarik Zaimović 23 glasa, dok su 4 glasa bila nevažeća, konstatovano je da niti jedan kandidat nije dobio potrebnu većinu glasova, te je glasanje ponovljeno.

U drugom krugu glasanja prof. dr. Almira Hadžović-Džuvo osvojila je 21 glas, a prof. dr. Tarik Zaimović 24 glasa, dok je 1 glas bio nevažeći, na temelju čega je konstatovano da je prof. dr. Tarik Zaimović dobio potrebnu većinu za izbor.

U skladu sa naprijed navedenim Senat je usvojio izvještaje Komisije o provedenoj proceduri glasanja za izbor rektora Univerziteta u Sarajevu za mandatni period 2024-2028. godina i konstatovao da je za rektora Univerziteta u Sarajevu za mandatni period 2024-2028. godina, natpolovičnom većinom članova Senata, izabran prof. dr. Tarik Zaimović, redovni profesor Univerziteta u Sarajevu – Ekonomskog fakulteta sa 24 glasa.

U skladu sa odredbama Statuta Univerziteta u Sarajevu, zadužuje se Služba za pravne poslove Univerziteta da u roku od 7 (sedam) dana od dana održavanja Izborne sjednice Senata, dostavi ovlaštenom članu Senata Univerziteta u Sarajevu Rješenje o imenovanju rektora Univerziteta u Sarajevu na potpis.

U skladu sa usvojenom Procedurom provođenja glasanja za izbor rektora Univerziteta u Sarajevu za mandatni period 2024-2028. godine, jednoglasno dato je sljedeće

O V L A Š T E N J E

1. Ovlašćuje se prof. dr. Rifat Škrijelj, rektor Univerziteta u Sarajevu, član Senata Univerziteta u Sarajevu da potpiše Rješenje o imenovanju prof. dr. Tarika Zaimovića za rektora Univerziteta u Sarajevu za mandatni period 2024-2028. godine.

2. Ovlašteni član Senata iz tačke 1. ovog ovlaštenja je obavezan najkasnije sedam dana od datuma donošenja odluke o izboru rektora potpisati rješenje o imenovanju rektora i proslijediti ga Službi za pravne poslove Univerziteta, koja će obavijest/informaciju o izboru i prijavljenim kandidatima na javni konkurs dostaviti i resornom Ministarstvu.

Sjednica je završena u 13:25 sati.

***PREDSJEDAVALAČI
IZBORNOM SJEDNICOM SENATA***

Prof. dr. Rifat Škrijelj, rektor, s.r.

Zapisničarka:

Alma Voloder-Madacki, dipl.iur, s.r.